

AZTERTU GABEKOAK

Laborantza ganberaz
hitzik ez

Euskal Herriko laborantza ganberaren gaia ez zuten aipatu ere egin atzoko bileran. Alta, zenbait zurrumurruk zioten egitura horren sortzea iragar zezaketela atzo. «Ez gara horretaz mintzatu» zehaztu zuen Lamassourek. Andre Labarrere Pauko auzapezak erantzun zuen: «haiei da erabakitzea», bileraren barnean gelditu zirenak edo ministroak seinالاتuz, hain segur. Sarkozyrekin ez biltzearen ondorioz, euskal presoan hurbiltzearen gaia ere ez zen aipatu. Jean Grenet Baionako diputatuak Anai Artea elkarteari hitzeman zion Sarkozyrekin bilduko zelarik eskaera helaraziko ziola... Ikusiko ea berrizte bilerarik iraganen den ala Raffarinakilakoak horren mentura estali duen...

tzun indartsuak emateko. Karia horretara, Pirinio Atlantikoetako departamenduko zati desberdinen berezitasunen kontuan hartzearen alde agertu da, erabat. Euskal Herria garapenerako berezko tresnez hitzatzeko hartzen diren iniziatibak lagunduak eta garatuak izanzen dira, hizkuntza eta kultura sailtaren bereziki».

Hizkuntzari «lehentasuna»

Frantziako Gobernuak hizkuntza gutxituen gaiari «lehentasuna» eman diolako kontent agertu zen Lamassoure. Hizkuntzaren «emaitza batera heltzeko gisan aztertu nahi duten gaietarik bat da». Ez zuten, zehazki, Frantziako Konstituzioaren bigarren artikulua hitzegin. Baina Frantziako Gobernuak «kontziente da artikulua horren irakurketak sortzen duen arazoaz». Gai horiei buruz hitz egiteko Ipar Euskal Herriko hautetsiekin sartuko da harremanetan. Datozen egunetan egutegi bat zehaztuko da, «lan bilkuretarako, alor bakoitzean eskumenak dituzten ministerioekin». Gogoeta lan hori Barne Ministerioak kudeatuko du. «Lehen hitzordua» martxoaren 14an izanen da, Donapaleun. Egun hartan, Euskal Herria 2010 ekimenaren hamar urteak ospatuko dituzte. Hamar urteetako bilana eta Frantziako Gobernuan abiatuko duen solastatze fase berria uztartuko dira.

Francois Bayrou diputatu biarnesa nahiko saminkin mintzatu zen. «Itxura surrealista zuen». Bere ustez, horrelako ekimenak jadanik iragan dira Ipar Euskal Herrian. Bertako gehiengo euskal departamendu baten sortzearen alde agertua dela oroitarazi zuen, nahiz eta bera betidanik horren aurka agertu den.

HAUTESKUNDEAK. Atzoko bilera koalizio akordiorik gabe amaitu zuten bi alderdiek

EA eta EAJ berriro bilduko dira aste honetan, negoziatzen jarraitzeko

Datorren astea baino lehen koalizio akordio batera iristea espero du Iñigo Urkulluk

Erredakzioa | DONOSTIA

EAJk eta EAK bilera egin zuten atzo arratsaldean Bilbon, maiatzeko hauteskundeetara elkarrekin joan ala ez erabakitzekeko negoziatzeko barruan. Ez zuten akordiorik lortu, baina hitz egiten jarraituko dute. Aste honetan bertan berriro bildu eta bi alderdien eskualdeetako batzordeek egindako proposamenak aztertzekotan gelditu ziren.

Ez dituzte desadostasunak gainditu. Radio Euskadik jakinarazi zuenez, EAren proposamenen «herri garrantzitsu batzuk» kanpoan gelditzen direla dio EAJk; jeltzaleek akordioa orokorra izan dadila nahi dute. EAKo iturriak aipatuz, berriz, irati horrek esan zuen EAK ez duela uste zenbait herritan bakarrik joatea eragozpena denik; 1999an lortutako akordioaren «egokitzapena» egin dutela, egoeraren arabera herri batzuen orde besta batzuk jarrita.

Bileraren aurretik, Iñigo Urkullu EAJren Bizkai Buru Batzarreko presidenteak esan zuen aste honetan bertan edo hurrengoan akordio batera iristea espero zutela, «hiru lurraldeetan eragingo duen akordio ahalik eta zabalenak».

Bi alderdien arteko harremana hoztu egin zen abendu-



XOUSA SIMAL

Juan Mari Juaristi eta Iñigo Urkullu EAJko ordezkariak, artxiboko argazki batean.

duan, eta bertan behera utzi zituzten negoziazioak. Koalizioa osatzeko aukerarik ez zegoela zirudien. Alabaina, iragan ostegunean elkarriketei berrekin zieten, eta baikorrago agertu ziren; «akordiorako borondatea» erakutsi zuten.

EAJko eta EAKo zuzendaritzak nor bere aldetik bildu ziren atzo eguerdian, osteguneko bileraren ondorioak aztertu eta jarrerak zehazteko. Urkulluk azaldu zuenez, «boronda-

tea» badago, eta horrek bidea eman beharko luke «hiru lurraldeetarako formulak zehazteko». Negoziatioak hautsi ostean bi alderdiek «barne lanean» jardun dutela dio, eta orain lan hori «negoziatioetan islatzeko» garaia dela.

Urkulluren arabera, «formula formula» EAJ-EA koalizio-

ak «orokorra» izan behar du, hau da, herri guztietan eta foru aldundietan balio behar du. Lurraldeka «zehaztapenak» egin daitezkeela esan zuen.

Begoña Errazti EAKo presidentek elkarriketetari «indar eta uste osoarekin» dihardutela esan zuen, baina argibiderik eman gabe.

'HERRIKO TABERNAK'. Atzera bota du helegitea

Auzitegi Nazionalak bederatzi lagunen espetxeratze agindua berretsi du

Agentziak | MADRID

Espainiako Auzitegi Nazionalako Zigor Arloko Laugarren Aretoak berretsi egin zuen atzo herriko tabernen aferari lotuta iragan apirilean atxilotutako bederatzi pertsonen kontrako kartzelatzeko agindua. Hala, espetxeratze autoaren kontra jarritako helegitea atzera bota du auzitegiak.

Operazio horretan 11 lagun atxilotu zituzten eta bi kalean dira. Kartzelan dauden bederatziak hauek dira: Rufi Etxeberria, Jon Gorrotxategi, Jo-

seba Garmendia, Juani Lizaso, Idoia Arbelaitz, Jaione Intxaurrea, Kike Alaña, Patxi Bengoa eta Jose Luis Franco.

Bestalde, Batasuneko Mahai Nazionalako kide Jon Gorrotxategi eta Batasuneko langile Mikel Corcuerari martxoan Britainiako mugan ustez Frantziako Poliziak atzeman ziren 200.000 euroak enbargatzea erabaki zuen atzo Espainiako Auzitegi Nazionalako epaile Baltasar Garzonek. Batasunaren ondasunak enbargatzeko aurreko erabakiarekin zerikusia du neurri honek.



TOLOSALDEA GOIMAILAKO L.H. INSTITUTUA



ETENGABEKO FORMAKUNTZA FORMACIÓN CONTINUA DOAN (%100) Langileentzat zuzendua

IKASTAROA - CURSO (KREDITO FORMATIBOAK)	ORDUAK HORAS	HASIERA INICIO
Programazioa Makina Fresadora CNC	55	03-01-13
CAD 2000 (HASTAPENA)	45	03-01-13
Elektrodoz anguloko Soldadura	60	03-01-13
Soldadura MAG	60	03-01-13
Informazioaren Teknologia (Windows, Word, Internet) OINARRIZKOA	60	03-01-13
Fabrikazio Planoen Adierazpenak	40	03-01-13
Sareen Arkitektura eta Protokoloak (Sare Lokalen instalazioak)	50	03-01-20
Lan Taldeetako Harremanak (EKIPOEN ARDURADUNAK)	60	03-01-20
Informazioaren Teknologia (Windows, Word, Internet) OINARRIZKOA	60	03-02-10
Regulazio Sistemak	45	03-02-10
Programazioa Torno CNC	40	03-02-10
CAD 2000 (AURRERATUA)	45	03-02-17
Informazioaren Teknologia (Word, Access- Excel-Internet) AURRERATUA	60	03-02-17
Hidraulika	40	03-03-10
Datuen Jasotze eta Tratatzea (SCADA)	40	03-03-10
Automatismo Programagarriak (SIEMENS-S7)	60	03-03-10
Programazioa Makina Torno CNC	40	03-03-17
CAD Elektrikoa (IGE-XAO)(SCHEMA)	30	03-03-24

HOBETUZ eta FSE. Astelehenetik ostegunera, 18 eta 21 tartean emango dira.
LANGILE INTERESATUAK, IKASTETXEAN MATRIKULA EGIN.
Santa Luzia, 17 - 20400 TOLOSA Tel.: 943 651147 Fax: 943 651856